



17

Broj: 05.12.102- 1451-Odluka /20  
Sarajevo, 19.03.2020. godine.

Na osnovu člana 18. stav 1, člana 22. Zakona o javnim nabavkama Bosne i Hercegovine („Sl. glasnik BiH“, broj 39/14), člana 35. Statuta Zavoda za javno zdravstvo Kantona Sarajevo, te Odluke Upravnog odbora J.U. Zavod za javno zdravstvo KS broj: 05.1.17-1445-2/20 od 19.03.2002. godine i Soprazuma o sufinansiranju projekta prevencije nabavke neophodne medicinske opreme i propagandnog materijala za kontrolu i praćenja Coronavirusa (2019-nCoV) broj: 05.14.110-1549/20 od 27.03.2020. godine zaključenog između Kantonalne uprave civiljne zaštite KS i J.U. Zavod za javno zdravstvo KS a postupajući po zahtjevu radne jedinice za epidemiologiju broj: 23/20, direktorica donosi sljedeću:

**Odluka o pokretanju postupka nabavke robe putem  
Pregovaračkog postupka bez objave obavještnja**

**Član 1.**

Odobrava se pokretanje postupka javne nabavke robe-Zaštitni kombinezoni od nepropusnog materijala Procijenjena vrijednost javne nabavke (bez PDV-a) iznosi **39.700,00 KM**.

Za provođenje javne nabavke osigurana su **sredstva Kantonalne uprave za civilne zaštite Kantona Sarajevo (Sporazum o sufinansiranju projekta prevencije)**.

Javna nabavka će se provesti putem **Pregovaračkog postupka bez objave obavještnja**.

Postupak javne nabavke provest će se u skladu sa Zakonom o javnim nabavkama i podzakonskim aktima.

Redni broj iz Privremenog plana javnih nabavki javnih za 2020. godinu: **A14**.

**Član 2.**

Pregovarački postupak bez objave obavještnja smatrat će se zaključenim potpisivanjem Ugovora.

**Član 3.**

Sastavni dio ove Odluke je zahtjev Radne jedinice za epidemiologiju broj: 23/20 od 19.03.2020. godine.

**Član 4.**

Ova Odluka stupa na snagu danom donošenja.

**OBRAZLOŽENJE**

Krizni štab Ministarstva zdravstva KS zbog praćenja situacije i podzimanja mjera radi sprečavanja i ranog otkrivanja bolesti izazvane Coronavirusom (COVID-19) koji je proglašen zaraznom bolešću i čije je sprečavanje i suzbijanje od interesa FBiH, održao je sjednicu 10.03.2020. godine i donio naredbu kojom se preciznije definira i nalaže postupanje javnih subjekata i pojedinaca u trenutnim okolnostima.

Na osnovu Zakona o zaštiti spašavanja ljudi i materijalnih dobara od prirodnih i drugih nesreća i odluke Vlade FBiH od 16. marta Federalni štab civilne zaštite je donio niz naredbi kojim će se pokušati suzbiti širenje Coronavirusa na području FBiH.

Svjetska zdravstvena organizacija je 11.03.2020. godije službeno proglasila pandemiju, Vijeće ministara BiH je donijelo Odluku o proglašenju stanja prirodne ili druge nesreće na teritoriji BiH 17.03.2020. godine, Vlada FBiH je donijela Odluku o proglašenju stanja nesreće zbog Coronavirusa na području FBiH 16.03.2020. godine, te je s tim u vezi i Agencija za javne nabavke izdala saopštenje za postupanje u postupcima javnih nabavki broj: 02-02-1-489-1/20 od 17.03.2020. godine, kojim se obrazlaže način postupanja ugovornih organa u provođenju postupaka javnih nabavki neophodnih za sprečavanje širenja i ublažavanje posljedica pomenutoga.

